



國家清史編纂委員會·文獻叢刊

清代詩文集彙編

國家清史編纂委員會・文獻叢刊

清代詩文集彙編

《清代詩文集彙編》編纂委員會 編

上海古籍出版社

清代詩文集彙編 六三八

柯亭子詩初集八卷柯亭子詩二集十卷柯亭子詩三集三卷

柯亭子文集八卷柯亭子駢體文集六卷 周沐潤 撰

一

復素堂詩四集四卷 周沐潤 撰

三七七

養生四印齋詩五集二十二卷養生四印齋文三集六卷 周沐潤 撰

四三五

復素堂文續集五卷 周沐潤 撰

六七九

道光戊申棹

柯亭子詩初集

道州何紹祺書

序

歐陽子謂詩必窮而後工子以爲不然三百篇中大抵多賢君臣相警誠頌禱之辭而明良喜起之歌載於尚書其敦博淵懿令人三復彥永而想象乎其際者往往非羈人思婦怨苦愁歎之音之所及後之詩人如李杜韓蘇並稱大家而遇有塞有通以此觀之詩之所以卓絕而不可磨滅亦視其才力大小之所至而固不係乎其人之窮與不窮也柯亭子髫鬢喜爲詩予與處者三十年於茲中閒離而合合而相確錯以詩見其手繙口吟竟日夜不輟於古必窺其奧笑嘖其蔽而後已而其才之賦於天者冥入橫出風雨萬變足以駕使其腹尺之富而獨出面目於古人之前每唱和必沈思詣極務造乎俗所怪以校既成則相與訾短而褻長以爲笑樂又相與什襲不以示人蓋其學博涉經史百氏無不賅洽故發爲古文辭樸質奇奧有其鄉胡稚威風儼體根底徐庾輔以氣浩瀚冠絕一時而所肆力最深不古擬不今炫浩然往來於霄霓鴻蒙之外而不自知其所至者尤在詩可謂工且博矣雖然柯亭子豈欲以文章見哉以巍科少世其家厯宰江以南所至刈莠擾民課士爲亟於吳江歲桑荒織戶數萬飢將煽事君立定且活

柯亭子詩集序

一

之勸捐經費惠士於嘉定輯流亡烽警之餘民氣以復所造耆宿譽髦交羅門下竊緒餘飛翽雲霄者不乏人於上海長洲運改由海是時島匪充斥肆劫大府才君命襄辦捐輸漕白米先後數百萬石數捧檄督率兵弁出沒洪濤怪颶中護達津門又命佐監司撫馭英佛諸夷以恩威夷知所憚而君不以倥偬輟詩所作率蒼拔沈鬱忠愛之旨溢於言表蓋東南需才孔亟而君亦慨然思展其所抱以上效

朝廷而酬大府之知人之厚屬君者亦殷殷然有杜石之望而顧以浮言見擯將有萬里之行不獲抒所蓄爲

柯亭子詩集序

二

國家用而僅僅以其詩傳予又以悲柯亭子之遇窮也雖然柯亭子以一身肩其家政篤事親翼愛諸弟內行完純讀其詩者油然感觸於至性至情之地而想見其人特性敏決戇直遇事可否面諍不少刊就以是撻忌者之怒究之人能厄其官不能厄其詩能厄其官於一時不能厄其詩於萬世而豈沾沾焉於風塵奔走中以卜其通塞而爲之欣戚乎哉昔蘇子美以醉飽之過至於終身廢棄迄今過滄浪之宅當時若王拱辰李定輩勢燄煊赫已如飄風之吹馬耳而子美之流風遺韻獨懸天壤間愈久而無能湮沒豈非以其人哉豈非以其詩

之工哉柯亭子既將遠行予恐其詩久而散佚爲可惜也乃爲出向所什襲自辛巳至癸卯十刪其五編八卷爲初集自甲辰至戊申十刪其一編十卷爲二集俾付之梓子維柯亭子年未強仕詩已卓卓抗古如是此後佐以寬閒之歲月其精進而巳者又當何如耶嗟乎世高爵顯祿非不可震暴庸俗而泯焉以漸滅曾不能與才士爭一日之名而魁奇瑋行之人乃能有所挾以垂諸久遠而世境不得窮之則信乎歐陽子非知言者也宜柯亭子於當世名公巨卿不丐一辭而獨索賞於空山寂寞中人也道光戊申十一月世愚弟陽湖許棫

柯亭子詩集序

三

誤

柯亭子詩初集目錄

卷一 古今體詩六十二首

卷二 古今體詩七十九首

卷三 古今體詩四十首

卷四 古今體詩五十三首

卷五 古今體詩三十八首

卷六 古今體詩七十首

卷七 古今體詩一百二十首

卷八 古今體詩三十一首

柯亭子詩集目錄

一

柯亭子詩初集卷一

祥符周沐潤文之

辛巳至己丑

侍 大父游蘭亭

油油童冠偕若坐春風懷不解山川美惟親杖履佳

韜光庵

寺門開絕頂雲裏一僧招竹密秋先到泉飛石盡搖高

風生木末驟雨入江湖獨立山亭望蒼茫海氣遙

岳忠武墓

恢復臣心苦艱難國步窮孤墳鬱忠孝三字殺英雄撼

柯亭子詩初集卷一

一

岳名眞赫和金計愈工如山軍令下匹馬陣雲中半壁

殘山在諸陵落照空闔門持大節萬古表英風杜宇啼

宵半靈旗閃市東南枝吹不轉激烈滿江紅

湖隄

攔隄春水嫩搖天倒影山光欲化煙忽聽鶯啼不知處

兩行垂柳一漁船

山塘

七里山塘路煙花不斷紅五湖人去後歌舞滿吳中

金陵

帆指建康城山如馬不停龍腥湖氣黑虎跡石頭青渺

渺空樓榭勞勞尙驛亭六朝人已去遂笛與誰聽

江行

不知山是浪還是浪如山風驅霹靂勢欲隘大寰須
與各交綏江山笑開顏著舟明鏡中孤胸盪天慳金山
如麗人紺碧嬌螺鬟焦山樵兩髻粗服秀天然江水銜
落日萬里餘蒼煙滄波去不返清磬一聲還

登金山用東坡游金山寺詩韻

我來兀立金山巔長嘯空濛欲吞海英雄割據會有盡
眼底惟見長江在山花寂寂開曼陀萬事疾如風捲波
錯疑造物有偏好清閒獨付山僧多我亦中流擊游櫂

柯亭千詩初集

卷一

二

蘆荻蕭蕭催落日每到看山兩眼青誰知照水孤衷赤
一片漁歌動詩魄定有龍蛇出深黑妙高臺上春月明
萬里一色江天驚覽古蒼茫人不識六合以外復何物
浮生端合棲空山芒屨縛足疎而頑醅醕一醉萬事已
莫挂征帆踏江水

狼山

大江東南來羣山西北拱峩峩狼郡山當關一夫勇本
爲海中島竈鼉嚙其踵明明滅滅間風濤一千種何年
縮淺沙著此林嵐涌脫落鱗之而蒼龍骨騫聳雁蘆布
肥田蟹稻積危塋一塔青雲端孤高鎮羣動

茫茫白狼郡坐鎮稱雄州吳頭與楚尾以此爲吭喉人
言海外國日本兼琉球梯航時一至蠡爾皆倭酋昔年
被寇日萬戶烽煙愁接牢逮雞犬驚魂竄鳬鷗朝廷重
兵政設古將軍流牙旗建穆穆鼓角沈悠悠蛟鱷露荒
怪呼吸成危樓由來士卒氣馴養資良籌干戈今已戢
勿擾民田疇

米友仁戲馬圖爲姚竹君文煥題

健兒短衣上馬來馬頭忽轉羣峰開陣雲潏蕩沙草傳
千騎一綫飛黃埃前馬奔騰後馬逐萬馬馳突金鬣催
眸矚四射電駭逸鬣鬣一振風喧飀傾榛倒壑空所向

柯亭千詩初集

卷一

三

蹴踏那管霜颺摧羣中未必盡騏驥欲使秦管掄其才
青骹黃盧各分竄讓出四面旌旗麾翻身脫鞍腰貼背
勢若墮地仍徘徊如竿之髮忽壁豎直立馬背僵不頽
幾人視馬若平地翻身倒植黏枯荻就中有人與馬一
高眠馬脊無疑猜人雄馬逸各逞快意態一掃皆驚駭
須臾突過亂山缺馬勢欲進人難回是人是馬互騰擲
一氣捲作虬花堆首尾離合錯不辨但覺萬蹄撒地聲
如雷方今西師正轉戰衛雲駿足騰蒿萊鹽車坐困固
可歎郊原游戲胡爲哉權奇倜儻莫自賞一顧定築黃
金臺

葛一橋畫松歌

忽有古松生壁上森然鱗甲空堂響臥地一梢百丈強
黃山縮入山人掌山人者誰葛一橋白狼峰頭觀海潮
酒酣霍霍揮五指飛電走漢風翻濤他人畫松仍是松
山人畫松乃是龍松身何嘗露首尾雲霧於外龍其中
孤根磔石起軒海盤屈萬里擎洪濛題詩自道晴勿黠
便恐破壁飛去驚兒童我昔萬壑千巖游清風慘澹長
林秋劃然一笑氣懷列有若滿面噴靈湫請君寫我兼
自寫同作撫松看瀑者

送許夢西秀才賦還山

柯亭子詩初集

卷一

四

急雪滿關河言歸意若何天涯知己少風骨念君多磊
落湖山長昂藏詩酒魔吾儕須世用莫漫戀漁蓑

平山堂

那有嵐光翠潑天麴塵絲細軟游鞭春如好夢嘯鷺急
花近高樓得月先飛舄下臨江不測畫船多與柳沿綠
廬陵醉筆無人續待補山堂記一篇

渡江

兩度上江舟聽風聽水愁寒潮爭落日暮角壯瓜洲天
際一帆遠平沙萬里秋金焦如喜客飛翠滿船頭

秋蝶

何曾縮得舊繁華回首春光隔暮霞不改嬌癡趁紅葉
誰憐瘦損比黃花香飛茵苔霜天曉夢冷菰葭驛路賒
賸有六朝金粉在西風殘照又誰家

雨後

當窗一雨過枕簟生微涼荷葉亂無數稻花清有香嫩
寒風在竹淺夢月扶牀可但催詩意秋懷入渺茫

寒鐘

忽聽蒲牢吼霜華欲滿天夢回荒寺裏燈死老僧前永
夜發深省浮生悟夙緣翠微山下路相送幾歸船

寒岫

柯亭子詩初集

卷一

五

偃蹇橫荒野時趨百不能精神兀高土面目逼枯僧夜
氣乾坤肅冬心太古蒸無人霜雪裏壁立見峻嶒

寒燈

夢醒光逾炮窗虛曉欲無溪山尋野店風雪認歸途青
眼逢君熱丹心照我孤朱門燒燭夜誰解伴寒儒

寒硯

不知穿也未呵手曉寒侵歲月消磨盡風霜閱歷深汝
能撐鐵骨天欲牖冰心待得春歸日相攜到上林

梅花嶺弔史閣部

嗚咽江淮淚暗吞梅花萬樹與招魂調停列鎮支殘局

痛哭同歸扣帝闕

大軍破揚州斬公陣前其據城逆豈命者並誅之事載世祖實錄

有再生徵母夢肯將一死負君恩遺書重付詞臣載大

義 褒忠感 至尊

公致攝政王書乾隆間特命宣付史館

傍花村觀菊同白念山師作

此中端合晉人居秋染花光澹欲無閑盡滄桑三徑在
別開天地一村孤偶隨白傳能詩客來訪黃花舊酒徒
飛卻百杯歸不得滿林紅葉醉相扶

懷夢西

小謫人間寄此生遲漁峯頂卽蓬瀛

君家遲嶺下

除君月旦

無公論絕代風騷有正聲夢與寒蘆天外白詩成好雨

柯亭子詩初集

卷一

六

晚來晴湖山如此無人到料只閒雲作隊行

送崇之式之還里各二首

年年姜被與君同忽遭離懷似酒濃天濶影聯淮海鴈
夜殘愁立廣陵鐘何堪弟別兄還別此去山重水也重
珍重鄉書須早達大江南望白雲封

余亦乘舟盪夕暉江楓葉落點征衣頓分南北飄然去

猶喜晨昏各有依

兄奉

叔母旋里予亦

病體獨支山

骨瘦歸心爭趁雪花肥簫聲吹徹高樓月定有詩篇跨

鳳飛

兄娶有日

小泊江頭慰藉同偶然泥爪判西東相思半在音書外

此別原非意料中漁火淺深紅帖夢樵風斷續響傳空

分舟笑語橫吹去各約春潮遞鯉筒

隔江雲樹辨難真耳熟蕭然喚渡人歸妹有期休惜別

弟亦將還山無計可醫貧柯亭訪竹空懷古梅市尋花

別有春晚飯柁樓微雪霽乍寒珍重苦吟身

阻風

泉石淙淙響珮環客舟孤繫客心閒莫嫌江上風波惡

天意畱人飽看山

散步

敲戶新簷倦眼指強扶殘夢踏蒼苔前村一角雲如墨

柯亭子詩初集

卷一

七

知有澆花細雨來

久不得越中消息

夢憶飛來翠一灣江流無語出柴關鴈歸塞北寒風後
春在江南細雨閒花氣撩人愁裏思酒痕喚我病中顏
分明迴踵湖光好拋與囑郎熟往還

隨園

竹鎖雙扉柳鎖塘斯人高臥輞川莊倉山有幸名千古
我輩重來倒百觴山石半攙喬木碧水雲都帶亂荷香
更從墓下吟詩過芳草如愁畫夕陽

雨

乘興步林礪好風相與迎雲低簾忽暗雨急瓦爭鳴野
館有餘適葛巾如許清且來窗北臥一枕嫩涼生

燕子磯

又別秦淮泛客舟浪花飛處聳危樓六朝山色渾如夢
萬里江聲欲變秋葉帶歸鴉催枕尾帆爭怒馬赴磯頭
瓊枝壁月消沈久往事何堪問白鷗

帶河釣魚行贈方既堂秀才

壩

河環海門廨如帶多魚

天光落水秋冥冥白雲如帶環空亭使君心跡寒潭清
坐有佳士琴芳馨世間何事眞經綸一竿在手百不爭

柯亭子詩初集

卷一

八

細鱗奪路開繁萍巨魚伏水吞天星一絲風瘦搖蜻蜒
萬荷飛綠山跳青得魚失魚無所營聊以釣客逃吾名
官長莫乞靈運靈永嘉山川不入城獨此清絕衙齋鄰
短牆圍住溪山明雙鱸斗酒天所珍廉者得之全其眞
政暇詔我趨庭行敲鍼截竹惟使令楓葉亂落石倒聽
人影在地新月生與君載月揚漣舲切莫風景誇西冷

秋齋雜詠

鳴蟲與落葉語我秋深時林鴉慘不舞簷馬悲猶嘶天
長夢魂短地僻音書遲孤燈耿破壁照見羈人思
世人謂盤古生有無依傍及念最後死又有誰營葬死

劫生關中羣兒氣沮喪繫我能悠然理達心自曠萬古
撐突兀一瞬恣跌宕君看混沌初形骸作何狀

秋聲忽西來飄然滿太清萬竅各感觸異響同悲鳴風
霜殺草木天地皆崢嶸秉質殊淳薄乘時互衰榮匡廬
眞面目將邪眞性情不騫亦不折萬古完堅貞

獅山在海門廨後帶河環繞林亭幽曠余朝夕至

焉

占得園亭勝秋來幾度過半牀堆落葉一徑入寒蘿雨
洗林如畫煙橫水欲波忽驚孤鶩起前渡有樵歌

一片斜陽外孤亭畫不如青山初地入紅樹幾家居雲

柯亭子詩初集

卷一

九

急歸鴻鴈風高上鯉魚蒼茫一憑眺煙火帶村墟
卽此入林密居然遠市囂孤峯橫作障獨木結爲橋有
客吟紅葉無人盪畫橈一聲清磬發隱隱動寒潮
置身圖畫裏吟嘯坐移時斟酌花前酒推敲月下詩煙
枝巢翡翠箔水展琉璃頗動鱸鄉興臨風理釣絲

寄式之

我家八兄弟頭角各不羣讀書粗識字拔幟張一軍汝
最稱長厚言動皆天眞去年寓邗館形影尤相親一室
聯兩榻翦燈風雨鳴偶然月出夕或者花開晨草草具
盤饌酌言醇酒醇飲酣亂觴次笑言清且溫眷懷越峰

下山水爲芳鄰廣陵勿久住歸翦茅廬新此情與此話
胸臆常分明豈知一朝別君返南塘濱白門固不遠行
挈諸弟昆猶記分手日黯然難爲情君話絮長夜我腸
車轉輪攬衣不忍釋落葉盈我身有懷未傾吐一語君
且聽雪霜日以苦無使嚴寒攪雖然不見面尺素通殷
勤春冰倏已渙果有雙紅鱗書來道二月汝已完新婚
上言阿母喜母喜能稱觥下言阿婦健婦健能調羹阿
兄讀未竟喜氣眉閒生未知姒與娣婦德能否均書尾
更道及故園滋味仍春廚足櫻筍秋榜多鱸莖所娛匪
異客三兩親與賓覽書不一見徒看青天雲雲中有飛
柯亭子詩初集

卷一

十

秋日雜興八首

筆力天光兩闕新乾坤寂寞著吟身秋來萬感并幽獨
醉後高歌動鬼神海氣與人胸跌宕山容學我骨崢嶸
從今收拾無邊景詩料家家與饋貧
女牆一桁仆秋陰畫出愁城似海深紅葉半林銷醉骨

青山萬疊匝歸心歐陽淒切鳴蟲感杜老蒼涼斫劍吟
洗盡豪門絳竹耳詩人清氣是商音

廣寒宮裏小游仙學舞霓裳只自憐一片江湖聲動地
五更星斗影搖天河源已見張騫問騷體還憑宋玉傳
底事大羅天上客紅蘭碧杜自年年

轉般倉變走飛艘瓠子秋深捍禦勞絲粟總關神庾課
帆檣直上亂雲高黃流一筏盤天影赤子千家壓暮濤
寄語漢廷都水使莫拋心計算錢刀

雲臺從古鬱嵯峨將略猶推馬伏波都護漸教屯地廣
受降終遣築城多難安適左深閨夢易唱天山壯士歌

柯亭子詩初集

卷一

十一

聽說玉關消息好更無紅柳拂霜戈

木落關河雁叫霜愁思橫絕海天長手抄藥性緣多病
心逐車輪到故鄉玉筍山深勞遠夢水晶宮冷作重陽
千巖萬壑神遊遍方寸悠然起鬱蒼

湖海人豪怨瑟居茂陵秋雨問相如不堪寥落千秋想

未得平安兩字書絕代風騷歸正始空山日月自皇初

朝廷聞道需才亟莫把文章賦釣車

海水難傾萬斛思百端搖落暮秋時愁看漠北盤雕地
閒逐山南射虎兒風掃關河供把酒天驅蛟虯與吟詩
終童西上梁鴻隱位置蒼蒼未可知

海門

天變桑田易風移陋俗難
盛民待郭郭奪漲起波瀾
鹽時普江邨富花融海國寒
要將鄒魯化痛與洗芄蘭大人

新修學宮

中秋對月

長風與明月并入海天蒼
獨有客心似孤懸萬里光
蟲聲飛木葉石骨挺風霜
溟渤蟠胸次悠然倒百觴

寄懷夢西

青山突兀人羈孤長流浩浩東西徂
世閒萬事不稱意打門但索新詩
通人閒日永兩難得買之不費囊中蚨

柯亭子詩初集

卷一

主

滿湖風月入吟嘯瑟瑟清響生菰蒲
竭來兩載崇川居獨以騷雅供嬉娛
君才有如波萬頃一滴令我心脾濡
金箏玉笛不諧耳衆籟罷奏調笙竽
酒酣燭跋劍花暖珊瑚擊碎歌鳥烏
頻年作客忽歸去踪跡那免譏蕭疎
鹽車豈合困騏驥眼前相士方臯無
我亦一幢豈精進鳴甄旗鼓相追呼
自從臞豚徹病骨面目黧黑肝腸枯
惜余未得棹螺艇引杯飽酌吞江湖
一語告君勿吐棄要將健句追髯蘇

夢老人以半江紅樹圖屬題余曰公漁洋耶莞爾不答醒記以詩

多少漁船放榜行日斜波定遠山橫
昨宵身在秋江上一路西風喚賣聲

秋江漁父

漁家生計足風流破蚌爲燈拍作油
枯木一枝秋萬里江天無稅不須愁

夜市

涼月一鉤掛短牆犬聲如豹吠宵光
錫簫弔鼓沿街鬧抵得嚴城擊柝忙

東風始來小雪新霽園梅一樹垂垂
花矣率成五

首

柯亭子詩初集

卷一

主

數點寒香破臘佳先教微雪報山家
鋤來明月初三夜開作東風第一花
忽有橫枝低到鶴更無棲葉瘦於鴉
要清俗慮方拈句掃石安爐細煮茶
不著纖塵且杜門斷無人處立黃昏
我於幽獨參山意誰入虛空喚雪魂
一世肝腸無鐵石百花面目盡兒孫
春工須爲天矜惜遍歷奇寒出至溫
孤高肯受世人憐放爾空山獨自妍
忽地香來聊破俗此花開後頓回天
撐持雪壓風欺候兀傲燈明酒媚前
知否杜陵鄉思苦一飛硬語博嫣然
南枝早放北枝遲大有炎涼汝自持
寂寞文章慙俗好

蒼茫心事問花知江聲流出天然笑雪意飛來世外思

開闢溪山自來去纒絲枉費綠楊絲

夕陽扶影倒闌干拌擁重裘入夜看已愛花光能學月
更圓粉陣與消寒清臞識我前身是冷落從人一笑難
自古巢由天所放不隨桃李屬春官

柯亭子詩初集

卷一

南

柯亭子詩初集卷二

祥符周沐潤文之

庚寅

立春

東風如快馬野奔脫羈銜茲邦無城郭紅紫爭驂驪餘
寒略施勒緩渡江以南離聲起驚亂暖翠流春嵐凍海
活新綠破蟄魚龍恬生意勃一丈細雨入土潛長官叱
春牛鞭聲如雷耐扶犁拜麾下慈語溫不嚴耕作汝無
苦撫循余所慙但乞天賜豐庶幾飽丁男此意動婦子
歡喜圓行嶠如攜和風歸髻有山花簪

柯亭子詩初集

卷二

一

春雨遣悶

小樓一卷翦青燈春草池塘夢未曾昨夜雨寒風太甚
打門花片半成冰
深杯不共故人談抵得相思百尺潭一枕亂書春睡足
新茶滋味愛江南

小樓卽事

小樓豁三面極目眺蓬萊雨不容春住山如渡海來客
心爭去鳥花事健深杯煙艇蒼茫外乘潮載月回

春柳

如夢如愁喚未醒一聲鶯囀已青青眉從雪後痕先展

舞到天涯影不停十里紅樓聞婦怨半篙春水客舟經
江南最有銷魂處綠遍揚州郭外亭

纔定腰支認卻非盡拖溪色補山肥漢南人去條空折
塞北書來絮又飛著水化為雲裊裊和煙推墮月依依
莫教種向陽關路慣綰緇塵點客衣

呈崇之兄兼示諸弟即寄懷夢西

我如子由兄子瞻聰明爲我箴愚憨復之短小頗精悍
補之書畫尤工諳式之持家力勤樸其下頭角皆雙南
阿兄與我本共祖血脉一體同包函自言當爲斯世用
不於文字誇詹詹每聞忠孝輒色舞亂賊直欲揮鉞鐔
柯亭子詩初集卷二

卷二

二

比物此志出至性古人事業君能擔自誇肝膽跨儕輩
不使兒女私情參眼光直視少許可盤礴豪氣淋漓酣
同時許子意氣合各以道義相針砭夜深讀罷喜說鬼
諾皋荒怪資雄談強者喧笑弱股慄燈青月黑風掀簾
兄時獨出下坂駿弟輩追逐登竿貼文成各逞筆力健
喜怒惻惻師顏覩師言科第領髭掇明歲努策秋風駿
成名藉博老親喜準擬雲路相驂驛

海門至揚州道中

花片多情繞柁飛似來慰我逆風吹平林過雨笛聲出
一個烏犍載牧兒

側側春寒不禁煙垂楊城郭綠搖天蒸霞一覩桃花路
也學漁郎暫泊船

讀書行送方二旣堂歸錢塘

萬馬怒突金川開磯頭燕啄王孫哀君家讀書真種子
摺挂南戒江山摧抗古會須植氣節排今豈肯儕俳諧
五年磨礪借君助筆力萬仞青崔嵬一旦別我西泠去
若斷左股揮蓬萊錢王張弩射潮走伍相躍馬排江來
一樣龍蟠虎踞地偏安豈是英雄才方今區夏混一統
必有韓歌柳雅起而摩蒼崖君今縱歸櫂獨抱蒼茫懷
尹和靖讀書臺顧野王讀書堆未若君家讀書真種子
柯亭子詩初集卷二

卷二

三

江行

孤舟如破屋四壁走波濤水濁黃淮并天清日月高健
帆爭去馬呼酒快持螯恐有魚龍覩黃頭把舵牢
直溯金陵去斯游亦壯哉長風吹送客落日不登臺雲
勢擎舟過山光載寺來漁樵不相識且自泛深杯
鼓枻殊未已銜江落日斜柳風青水郭漁火黑山家歸
計舟無翼生涯渚有芽詩懷空綺絕不寫暮天霞

洞神宮看牡丹

城南有客太瘦生，曲徑喜與名花鄰。去年別花走東海，今來醉倒南朝春。傾城士女驚若雲，雨淖沒屐風翻裙。人解看花花不瞋，花亦無語看游人。丹鳳苞羽香象輪，天人妙相空其倫。神光離合丈六身，使我獨立搖心魂。去年無詩被花惱，今年詠花人苦辛。雲騰霞鬱郊島能，佛地湧出樓千層。若與空山流水之間，商位置桃花。豈是神仙津，或云寒梅修竹非花偶。豈知賢者富貴不以誇其羣，人生看花須及早。莫使老大傷沈淪，東坡哦詩吉祥寺已覺人老花鮮新。我年未冠行入洛，下筆能賦

柯亭子詩初集

卷二

四

花精神

明人詩數百種，多未見者，讀之有感。

吁嗟文字安所窮，浩如煙海不見底。千人萬人埋其中，有明一代只數子。其他旗鼓徒相攻，我今展卷不忍讀。故鬼啾啾抱書哭，嘔心吐血不知幾。十年死後忽忽隨，雲煙豈無俊逸處。風度殊翩翩，豈無卓犖處。大力相迴旋，才人命蹇固不少。一例抹殺由蒼天，始知傳者不盡好。好者不盡傳，何獨肝腎窮。雕鐫此後爲文，必放膽嬉笑，怒罵無不敢。君不見一燈寂寞自沈吟，銷盡人閒壯士心。

月夜獨酌懷友

連日不飲酒，慘然尠所歡。提壺出門去，落日橫蒼煙。歸醉明月中，不費青銅錢。長風吹出海，流輝盈堦軒。一酌渴喉潤，再酌詩腸妍。如逢故人歸，契合無周旋。醉眼觀太虛，萬里胸中填。拳石矜傲骨，懶雲就之眠。庭花如媚人，因風一嫣然。緬懷素心友，同此清光懸。安得招之來，銜盃問青天。

孟襄陽踏雪尋梅圖

斷橋野店蒼茫間，可有半樹梅花妍。一雪三日停炊煙，孤行爲覓羅浮仙。朱門更無裘馬出野谷，但有漁樵眠。

柯亭子詩初集

卷二

五

吾愛襄陽孟夫子，冒寒獨往風神顛。獨徠跣行亦清怪，首尾瑟縮饑烏拳。梅花豈是不才木，乃使偃蹇南山邊。風饕雪虐苦摧折，雨滴雲淡空流傳。荒江斷崖兩奇絕，寂寞萬古無人憐。盡收清氣入斯畫，前身毋乃相馬歟。

送崇之兄養疴還山陰

世事如風牛馬別，滿地何須灑熱血。文章氣節能致病，四海何人拔抑鬱。君今拂衣歸去來，駿骨不市燕昭臺。百藥無情能殺我，造物有意終憐才。會稽靈秀富巖壑，萬象出空破天枳。獨來獨往疑飛仙，二豎倉皇竄驚鹿。長生容易無病難，眼底憂樂高於山。十年養氣塞幽獨，

臭腐不入彭殤關亂峯推月出雲缺與君剖腸濯冰雪
撰荒抓幕方不奇自去觀潮試筆力安欄開盡醉百觚
白雲南望人羈孤遊子那究攝生訣慈顏一笑病體蘇

雙燕翼泥風雨中營巢不輟鼠嚙損之語且補歷

二十五日始成禽雖微抑勤若此今攜雛飛矣
歎且慰之

梁間燕花開土雨風妬煞營巢苦昨夜鼠來損其戶不
辨呢喃聲但見辛勤補落成又見引雛飛翩翾已學雲
霄舞

取齋前桑椹浸酒坐酌石上顧齋後枇杷熟矣呼

柯亭子詩初集

卷二

六

僮摘薦杯竿桶花倒映盃中作琥珀色此情此

味可多得乎

桑兮拂盡南來風壓檐一枝火齊烘纍纍拍入琉璃鍾
一滴一顆珍珠紅呼之桑落名非空配以麤客齋西東
羽衣翠葆青童童照眼又見珊瑚叢酒波搖蕩花光融
金鑄盧橘甜疑蜂合而爲一香溶溶餘氣直達臍邊通
笑余百拙無一工但拌醉倒鳴鳩同階前有石奇於松
鈍質卻裏心玲瓏世閒萬事如轉蓬不如坐學趺跏翁
陶然一笑游鴻濛

初夏

柯亭子詩初集

纔買新茶穀雨前又沽美酒白雲邊落花風裏陶然處
知是茶顛是酒顛

寄式之

卅年鬪草畫閣邊新綠池塘夢可憐轉眼各添妻子累
論心惟有弟兄賢不愁磨竭同宮厄已擅雕蟲末技先
可識挑燈聽雨坐攤箋苦憶不成篇

函來報汝弄璋時正送慈輶北上遲居者無忘行者望
安書先附驛書馳一家骨肉牽離緒萬里關山入夢思
待得涼風動天末含飴同醉菊花卮

蒼苔淨掃几頻揩萬軸牙籤手自排咬斷菜根堪百事

柯亭子詩初集

卷二

七

料量花圖足生涯酒香潑夢來千里山翠如朋共一齋
寄語柳西諸老叟撈鰕刷筍及時佳

棹入城南古渡幽漫橋新漲落花浮雨前細雨迎茶社
山外青山赴酒樓汝自持盃排日樂我因眠榻看雲愁
歸心一片江流急半爲湖山半子由

鷹

一奮凌霄勢青天健翮盤擊空羣鳥避立馬幾人看電
閃神眸疾風生鬼口酸長懷飛掣志莫道脫羈韉

貧女吟

朝汲井中水暮織機上絲流光容易盡那有畫眉時

何事清溪水到門有淺深一言聊自慰蓬首不蓬心

珠蘭茉莉各一律

芳蘭竟體忒風流小字還從百琲偷似爾香宜青玉案
有人腸斷綠珠樓雲鬟阿那雙枝亞露顆輕盈一斛收
絕似華清新浴罷瑤璣瑟瑟滿搔頭

冰姿仙骨最珊珊錯認梨花傍玉欄近水韻於青杜若
逆風馥過白旃檀夢回衾簟三更靜浴罷釵環一味寒
最是夜涼清露足累他玉手揭簾看

大人引 見入都敬賦

繞膝瞻依慣臨歧顧復頻賢勞膺 帝簡况瘁足官身

柯亭子詩初集 卷二

八

和氣同懷切書生養志真斯言吾永記敢以疾憂親
不識征輶苦還須撰杖行地難逢驛使天亦近人情道
遠全家憶 恩深萬里輕白雲凝望處日日數歸程
六月宜消暑如何卻在途圖南鵬亦息直北馬偏痛落
日長河曉炎風破店孤驢駒猶努力愧未執鞭俱

梅雨

豆莢綠肥梅子黃單衣著體大風涼邨南老翁驀招手
趁雨一犁來插秧

慈輿在途不得行日日祝天早放晴農家有諺若可信
要過三日纔逢庚

檐溜歎薄無歇聲病夫耳目生清明草長三尺不芟去
畱與鈍蛙學鼓鳴

虬螭負綠緣破壁上虹蚓宛轉虛堂坳齋居要防重腿疾
妬煞樹頭乾鵲巢

喜晴

意外得新霽朝來萬象開林收一片雨雲失幾重山耳
目生清曠精神出瘦頑從今籌茗料鱸盤破餘慳

崇之又因病歸予亦未能興也口占卻寄

手足憐同病天涯共此生不堪扶枕望又值挂帆行勸
弟加餐飯知兄篤性情折磨豪氣在切莫近浮名

柯亭子詩初集 卷二

九

齋居

濃陰如畫菴空塘避卻炎官火繖張昨雨過簷空翠滴
門前山色話清涼

蕭齋明月夜吟佳好夢稀尋坐瘦苦呼吸五更清氣息
一池荷葉送香來

偶書高祖本紀後

劉布衣起沛泗多大言少成事嗚呼誰謂蕭何不識人
幸有一騎追王孫

乘月泛舟秦淮時積雨乍晴危闌在水得四絕句
乍從久雨得新晴銀漢揩空壁月明忽訝水天通白處